



## **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

74. Post longum bellum, pro Comitatu Namurcensi, inter Philippum Marchionem Namurensem & VValeramum Ducem Limburgensem ac Comitem Luxemburgensem gestum, pax componitur an. 1222.

**urn:nbn:de:hbz:466:1-10903**

## C A P V T L X X I I I .

*VValeramus, Dux Limburgensis & Comes Luceburgensis, Roberti-montense virginum cœnobium, ord. Cistertiensis,  
an. 1221. dotat.*

**W**ALERAMVS Dux de Lemburg, Comes de Lucemburg, & Marchio de Arlon, vniuersis Christi fidelibus....Inde est, quod Conuentui sanctorum monialium de ROBERTI-MONTE, Cisterciensis ordinis, nemus de Nigirrey, sicut in spelunca eiusdem loci usque ad nemus earum extenditur, contulimus & concessimus perpetuo possidendum. Datum Lemburg, anno gratiae millesimo ducentesimo viceximo primo. 1221,

## N O T A T I O .

WALERAMVS iste, Dux Limburgensis & Comes Luceburgensis, supra lib. 1. cap. 95. pag. 219. memoratus, obiit an. 1229. iuxta Cronendalum, aut an. 1238. iuxta archiuia monasterij ad Rodam Ducis siti; in quo sepultus iacet, cum hoc epitaphio:

Uite fuit talis, virtutibus Imperialis,  
Maiestas similem nesciuit habere per orbem,  
Limburg Dux, Archos Arlon, Comes in Lucelburg,  
Walranus: dictus Dux Henricus pater eius.

## C A P V T L X X I V .

*Post longum bellum, pro Comitatu Namurcensi, inter Philippum  
Marchionem Namurensem & VValeram Duxem Lim-  
burgensem ac Comitem Luxeburgensem gestum,  
pax omponitur an. 1222.*

**E**GO IOANNA, Flandriæ & Hannoniæ Comitissa, omnibus certum facio, quod post longam guerram habitam inter me, & PHILIPPVM Marchionem Namucensem, consanguineum meum,  
Aaa 2 & fi 3

D I P L O M A T A

372

& fidelem ex vna parte, & virum nobilem dominum VALBRA:  
MVM Ducem de Lembourg, Comitem de Luxenbourg, & dominam  
ERMENSINDEM, vxorem eius, ex altera parte, super Comitatu Na-  
mucensi; pax est reformata in hunc modum . . . .

1322. Actum apud Dionantum feria secunda post Inuocauit, anno  
millesimo ducentesimo vicesimo secundo, mense Martio.

N O T A T I O.

IN HVNC modum.) Per hunc tractatum pacis, non exigua Co-  
mitatus Namurcensis portio transmoiana cessit Waleramo Duci  
Limburgensi ac Comiti Luxeburgensi: altera verò portio mansit  
penes Philippum Comitem Namurensem.

C A P V T L X X V.

*Argentonium, monialium ord. Cisteriensis cœnobium in Gallo-  
Brabantia, an. 1229. fundatur à Guilielmo Harentony  
domino, & Ida eius coniuge.*

**V**niuersis Christi fidelibus præsentes litteras inspecturis Wil-  
lelmus de HARENTON, & vxor eius, cognoscere veritatem.  
Vniuersitati vestræ notum facimus, quod nos, propter salutem  
animarum nostrarum & prædecessorum nostrorum, contulimus  
in eleemosynam liberè & absolutè conuentui monialium, quæ con-  
silio nostro se transtulerunt de Grandi-valle, ad locum qui dicitur  
ARGENTON, prope Harenton, omnia bona nostra, quæ habemus  
apud prædictum Harenton, tam in agris quam in pratis & nemo-  
ribus, & molendino, & viuario, & redditibus & censu, & domi-  
bus; exceptis septem bonarijs terra arabilis, quæ contulimus ec-  
clesiæ de Gemblaco.

In cuius rei testimonium præsentes litteras sigillo domini I.,  
quondam Aconensis Episcopi fecimus sigillari, sub hac conditio-  
ne, quod prædicta bona & possessiones in vita nostra detinebimus,  
post mortem vero nostram ad prædictas moniales deuoluentur.

1329. Actum anno domini millesimo ducentesimo vicesimo nono,  
mense Maio.

NOTA.